

HEBRIFŌ

Kukue Ko B́awōni B́etə Hebrifō

Onanto Eto Ditiki Eyε Lə Wuubi Ɔsuə.

¹ Koko lefee, Onanto édi bo banamə etiki sesia sesia sesia, nya lə esu kpə əsuə tsyaa, eyε lə wə bənyeləkətidi əsuə. ² Fεε lə eyi fεfε nyamfo əsuəə, údi bo etiki eyε lə wə Ubi əsuə. Wə əsuə Onanto ləyε úyifo kawunsiə, nya wə ni nwə Onanto díləkə nkə udi wə bikə kenke nε. ³ Ubi əmfo díləkə Onanto eto diyənde óte nya Onanto eto ditsyəbi tututu nkpe wuntsya. Nya úfi Onanto eto Ditiki Sεε kplε nəmə úmuə kawunsiə kenke ɔnlε. Se úflə bo abua kenke úwii, úsu úsiə lə Onanto, Ɔsuəalenyə Kenke, eto kodianani kato.

Onanto Eto Ubi Eto Sεkplε.

⁴ Onanto eyifo wə ubi ɔkplε enso wə batɔnkpe, fe kase wə diye nə Onanto díte wə nso mə lele.

⁵ Itsyise Onanto mánteyi wə batɔnkpe eto kuutsyuə saa nkə,

“Fε ni mə Ubi.

Mmii, minle fə.”

Nye Onanto mánteyi itsyi lə wə ɔtɔnkpe saa əsuə nkə,

“Muudi wə Anto,

nya wuuyifo mə Ubi.”

⁶ Fεε lefe nə Onanto léla nkə woatsyese wə Ubi tute kawunsiə kamfoo, óteyi nkə,

“Onanto eto batɔnkpe kenke ebusumu wə.”

⁷ Fεε Onanto áteyi lə wə batɔnkpe əsuə nkə,

“Onanto eeyifo wə batɔnkpe fe ufiebi,
 nya wə kato eto besumunyə bamfó fe ute eto
 kadiakami.”

⁸ Fɛɛ Onanto átɛyi itsyi læ wə Ubi əsuə nkə,

“Onanto, fə sekakedikɔɔ, kalosəkɔ embəkɛ læ se
 kulefe kulefe!
 Fə sekakedidi læ fə betidi əsuə ebuyi ku
 kasɛyifoyifo.

⁹ Aala kasɛyifoyifo nya feekisi kabuayifoyifo.

Nyamfo eso Onanto, fə Onantoo, dílækə fə,
 nya úfi disuəyuə nə nso nə útə fə bayetsyuə
 kenke útə fə.”

¹⁰ Usi ótɛyi nkə,

“Fə, Bonamute, fə ni nwə taa kasɔ ketsyikokɔ
 díyifo kasɔ,
 nya féyifo kato ku fə kosate eto ani.

¹¹ Asa nyamfo kenke ebubə efe. Fɛɛ fə ebubu akɛ
 lefe saa.

Asa nyamfo kenke ebobia isensə fe kase mfiā
 laala kafiani afianku.

¹² Ebukənə nnya fe kase bəəkənə awu ku mfiā itə
 bofloma.

Fɛɛ fəə, nko ete fuutsyə nə, embofloma,
 nya fə nkpə embolo kulefe.”

¹³ Nte ɔtɔnkpe wə Onanto létɛyi nkə,

“Siə læ mɔ kodiani, isu ese lefe nə muufi
 fə balo nkpe fə kalɔ bafiani nnya əsuə
 fuutəkə akpa”?

¹⁴ Nyalɛɛ, bawoe ni kato eto batɔnkpe fɛ? Mə
 ni awɔnɔ nnya leesumu Onanto nya woakpe mə
 ato nkə besu bawunsəko mba ele bə bafɔ læ nkpə
 manlo.

2

Onanto Ebutə Nkə Betidi Nyə Bofo Tinti.

¹ Nyamfo eso ele bə bələ ɔnukualetiki nnya bóno ola kekleke nɛ. Lenni nkoo, boonya kusu lə nnya əsuə. ² Kenye ka Onanto eto batɔnkpe dítə bo banaməə, eyifo ɔnukuale, nya lə utsyuə úta úbu nye útidí ato lə nnya əsuə, bənə wə koto sitinti fe kase ínyə itə. ³ Nyalɛɛ, ntsyə boofó butsyetsyi lə kotonənə eto kenye, lə bɔni koto butsyue akafo Ditiki Sɛɛ kplɛ nəmfo? Bonamute kosate leka bofo eto Ditiki Sɛɛ nəmfo bɔtɛyi tute tute, fɛ mba kenke lenɔ ni lə wə kenye tsya díbə bátɛyi ni báse uyi bətə bo bə, diyifo ɔnukuale. ⁴ Lə nnya əsuəə, Onanto kosate tsya édi nnya adansiɛ ku ɔnukuale, lə nyaso úyifo ayanisa ku ayanisa lə esu kpə əsuə, nya úsie Lɛwɔnɔ Kenkɛ eto ətəsa útə lə kase waala əsuə.

Nwə Ɔsuə Bɔɔye Bunyə Nkpe Manlo.

⁵ Onanto mémfi kawunsiə fɔfɔ ka ləəbə bubə ka əsuə bɔnlɛ etiki budi ókpe lə batɔnkpe kalɔ. ⁶ Fɛɛ Anantotiki eto lekpa ditsyuə édi nnya adansiɛ ɛtɛyi nkə,
 “Be ni utidí, O Onanto, bə fə ənəmii, lə itəkə lə wə əsuə nko?
 Be ko ni utidinini bə lə aalɛ wə ola nko?”
⁷ Ábokosə wə kasɔ itə lefe kliminti ditsyuə enso
 Onanto eto batɔnkpe.
 Fɛɛ əbə éfi diyənde kplɛ ku dibu étsyisə wə fe lekankpakpa.
⁸ Nya fətə údi seka lə lesa saa əsuə.”
 Bátɛyi bənkə Onanto éyifo utidí nkə udi seka lə lesa saa əsuə nya nyamfo lɛ bote wuee bənkə,

lesa saa banle. Tsyä lə kase intee, bɔnlɛ tɔ bunyɔ kase utidi nle seka budi lə lesa saa əsuə. ⁹ Fɛɛ Yesu əmfoo, wə lə lefe kliminti əsuə bábokosə kasɔ fe okpe lə Onanto eto batɔnkpe kalɔɔ, itə eyɛ lə Onanto eto lefonə əsuəə, lə ukpə lə utsyue saa eto disɪ. Bɔlɛ wə bunyɔ mɔmɔ nwə bɛti ətəsa ku dibu kenke eto lenkpakpa, eyɛ lə ukpə wə úkpə eso.

¹⁰ Elɛkɛ bə Onanto wə díyifo nya woalɔ lesa saa kətsyəə, tə Yesu lə ɔflo eyɛ lə kanyi ka únyə əsuə bə eyɛ lə nnya əsuə unə bebi kpə oboko lə bənyə kedikɔ lə wə diyənde əsuə. Itsyise Yesu ni nwə lookpa mə usuko nkpə manlo kəmiə.

¹¹ Wə læflə abua lə betidi əsuə kewui, nya wə ku mba əsuə bæflə abua bəwui, anto ɔni uni mə. Nyaso yenyifo Yesu afanisa bə ókpadi mə nkə wə bayimi. ¹² Woatɛyi Onanto nkə, “Mɔotɛyi mɔ bayimi lesa nə féyifo.

Nya mɔotɛsə fə lə mə katsyako.”

¹³ Usi ótɛyi nkə,

“Muufi mɔ kusubebe ntəkə lə Onanto əsuə.”

Nya usi ótɛyi nkə,

“Nnyə mɔ ku bebi ba Onanto dífi útə mɛ.”

¹⁴ Se betidi ba woakpadi nkə bebi ni betidi ba læbɔ betsyi lə sinə ku kɔtɔ əsuəə, Yesu kosate əbə ófiani fe mə nnya úsiə nkpə fe mə ke. Úyifo nyamfo nko bə eyɛ lə wə ukpə əsuəə, lə ɔtsylɔsə Obonsam wə nkpe ukpə eto əsuəale. ¹⁵ Nya eyɛ lə kusu komfo əsuəə, lə uləkə mba kenke lɛkɛ lə sidomu əsuə lə mə nkpə əsuə lə nnya báte ukpə sikpi eso. ¹⁶ Nya ekpa bə inni Onanto eto batɔnkpe úbə kawunsəko kɔ, bomu Abraham eto bebi eto bebi. ¹⁷ Nnya kasɔ ni bənkə, ele bə

ofiani fe wə bayimi læ kusu saa əsuə bə læ ofiani omínsənyətidi ku nwə leesumu Onanto læ kusu əsuə eto Usumunyə Ninə Kenke læ utə kedi læ betidi eto abua eto disi. ¹⁸ Nya se wə kosate dínyə kanyi nya báto wə bábe esoo, woofu mba nkpe læ botokabe əsuə bəwunsəko.

3

Yesu Eto Kənyənkə Kpe Kalende Kaso Moses Eto Kale.

¹ Mə bayimi lala læ Kristo əsuə, mi mba Onanto tsya lékpadi! Bibu Yesu bebe, nwə Onanto létsyese nkə ubə ofiani Usumunyə Ninə Kenke læ bofokanə bo bonkpe əsuə. ² Úyifo wə keyifo læ kusu əsuə útə nwə díləkə wə nkə uyifo wə keyifo fe kase Moses díyifo asa læ kusu əsuə læ wə keyifo əsuə læ Onanto eto diyo. ³ Beefi dibu kətə nwə léto diyo kaso diyo nə báto kosate. Nko ke Yesu nkpe dibu kplə enso Moses nɛ. ⁴ Itsyise diyo saa kpe ni otonto. Fɛɛ Onanto ni nwə léto lesa saa. ⁵ Moses éyifo uyifoyifo ənukualənyə læ Onanto eto diyo. Nya óteyi asa nnya əsuə Onanto luubə udi etiki utsyiko læ lefe nə luubəə, ótonsə. ⁶ Fɛɛ Kristo eyifo ənukualənyə fe Onanto eto Ubi wə nsi læ Onanto eto diyo eto kənyɛ. Bo ni wə diyo nəmə nɛ, læ bokpe utu nya bofo bəno kekleke læ nnya əsuə bənlɛ kusu bobɛ.

Ɔwəkətsyəkə Kpe Itə Onanto Eto Betidi.

⁷ Nnya Lɛwəno Kənkɛ ləteyi nkə,
 “Lə bəno Onanto eto əkəɛ mmii,
⁸ bientidi ato
 fe kase ítsyə læ mi banamə eto lefe,

nya b́at́aka b́ányə mə lə əsuə fe kase b́ato
mə b́abe lə mfiminti mfó.

⁹ Mfó nya b́ato mə b́abe, lə babe lesa nə muuyifo,
ite bə b́ányə asa nnya ḿinyifo lə alə fosi ana
əsuə.

¹⁰ Lə nnya eso nnyə əblo nkpe betidi bamə.
Nya ḿinteyi minkə, ‘Baamfo mə akanə,
nya baani beentsyue mə afi koto.’

¹¹ Lə nyaso kafo ányi mə nya ḿinka ntamu
ḿinteyi minkə,
‘Bembudufə kasə ka eni ḿintə tə mə
ənwəkətsyəkə kulefe!’ ”

¹² Mə bayimi bafokanətsyue, bebe sinini biə
mi nti eto kuutsyue əmbəkə ləkəesi bua nya
wəmbəkə bəfokanə bə wəəmbətsyi kama okpe
Onanto wə nsi nkpə. ¹³ Bomuu, bələ mi bətsyue
kələ diyi saa fe kase Mmii əmə b́awəni b́akpe lə
Awənisa Kənkə eto Kukue əsuə leka mi. Lə itə
bə biəmbəwə mi əsuə bəkpe lə lehua lə befiani
mba ditidi ato.

¹⁴ Itsyise buyifo bani ku Kristo lə bələ bo
bəfokanə lə kəni kekleke isu ese lə kalosəkə fe
kase bútsyiko kasə. ¹⁵ Awənisa Kənkə eto Kukue
átəyi nkə,

“Lə bənə Onanto eto əkəe mmii,
bientidi ato
fe kase ítsyə lə mi bana mə eto lefe,
nya b́at́aka b́ányə lə Onanto əsuə.”

¹⁶ Bawə ni betidi ba lenə Onanto eto əkəe nya
b́at́aka b́ányə lə wə əsuə? Mba kənkə Moses
lékpa óyenko utsyiko Egipte eto kasə əsuə.

¹⁷ Nya bawəe Onanto dínyə əblo ókpe itə alə
fosi ana sǝǝ? Mə ni betidi ba díyifo lehua ba
díkpə lə mfiminti. ¹⁸ Bawəe əsuə Onanto léka

ntamu óteyi nkə, “Kulefe, bembudufə kaso ka əsuə eni míntatə mə ɔnwəkətsyəkɔ.” Bawoe ɔnlɛ? Mba létaka bənyə wə lə əsuə. ¹⁹ Bunyə boə lə nnya eso bámfo kaso kamə budufə, itsyise bámfo banɔ.

4

¹ Mɔmɔɔ, se kusubebe nsi nkpe bo bə buunyə ɔnwetsyətsyə wə Onanto dítsyə bo kenye útsyəə, bitə lə bobə kukɔnɔ bə, yəəmbə bə mi kuutsyuə saa mamfo ɔnwetsyətsyə wə útsyə bo kenye útsyə. ² Itsyise bátəyi bo Ditiki Sɛɛ nəmə fe kase bátəyi mə tsya. Bánɔ kenye kamə, fɛɛ yényifo mə keyifo sɛɛ saa lə əsuə, itsyise se banɔ nii, bámfo ni bánɔ tsya. ³ Fɛɛ bomba léfo bónoɔ, búdufə ɔnwəkətsyəkɔ kamə, ka Onanto dítsyə kenye. Ite fe kase óteyi útsyə nkə,

“Kafə ányi mə nya mínka ntamu míntsyə miə,
‘Bembudufə kaso ka eni míntatə mə
ɔnwetsyətsyə kulefe!’ ”

Ɔteyi nyamfo nko ite bə wə kosate eto keyifo álo, idu lə lefe nə úyifo kawunsiə ólosə fɛ. ⁴ Itsyise lə Awɔnisa Kɛnkɛ eto Kukue əsuəə, bəwɔni asa ətsyuə itsyi lə diyi kuansele əsuə bənkə,

“Onanto ətsyə ɔnwɛ lə diyi kuansele əsuə
lə keyifo saa buyifo əsuə.”

⁵ Besi bátəyi ditiki nəmfo bə, “Bembudufə kaso ka eni míntatə mə bafə ɔnwetsyətsyə əmə!”

⁶ Mba leka Ditiki Sɛɛ nəmə bóno məmfo ɔnwetsyətsyə əmə, itsyise bámfo ni banɔ. Fɛɛ itə bətsyuəə, kusu si kokpe bə bafə ɔnwetsyətsyə əmə. ⁷ Bələkə nyamfo bátə itsyise Onanto esi útsyə diyi bamba nə baakpo Mmi. Alɛ kpə lə

nnya kamaa, fe údi etiki utsyi læ nnya əsuə, εye læ Oka David əsuə εye læ Awɔnisa Kenke eto nnya búkatɛyi bofe bæ,

“Lə bɛnɔ Onanto eto ɔkɔε mmii,
bientidi ato.”

⁸ Lə nnya ete Yosua leyenko betidi bamə bédufə læ ɔnwɛtsyətsyə əmə Onanto dítsyə kɛnyɛ útsyəə, eni Onanto ménsidi etiki kama kama utsyiko læ diyi bamba əsuə. ⁹ Lə nyamfo esoo, ɔnwɛdítsyəyi bamba si lekpe itə Onanto eto betidi fe diyi kuansele nə əsuə Onanto dítsyə ɔnwɛ. ¹⁰ Itsyise nwə kee léfo ɔnwɛdítsyəyi nə Onanto létɛyi utsyəə, ebutsyə ɔnwɛ læ wə kosate eto keyifo kenke əsuə fe kase Onanto dítsyə ɔnwɛ læ wə kale əsuə. ¹¹ Nyaso bitə læ bokplatsya læ bofo ɔnwɛtsyətsyə əmfɔ, bæ læ bo kuutsyuə saa mentidi ato læ nnya əsuə fe kase báyifo.

¹² Itsyisee, Onanto eto Ditiki Sɛɛ kpe nkpə nya lenle keyifo keklege, nya lenkpe kobe lenso lesiabi nyɛ nnuə. Diala lesa saa kələkə læ nsusu ku lɛwɔnɔ kəmiə, isu ese taa əsuə eto ntsyakɔ ku dikubi ku afɔ eto katsyakɔ eto nti nya diakpo utidi eto nsusu ku utu kəmiə kasɛɛ kukɔnɔ. ¹³ Asayifoyifo saa menyifo akulasa læ Onanto eto ənəmi. Wəənyə asayifoyifo saa tɛnklee nya ekpa wuee læ wə ənəmi. Nya wə ni nwə ele bæ bo utsyuə saa tə wə nkpə eto nkunta.

Yesu Ni Onanto Eto Usumunyə Ninə Kenke.

¹⁴ Nyaso bitə læ bɔle bo bofokanɔ bo boələkə kate keklege. Itsyise bokpe Usumunyə Ninə Kenke wə ni Yesu, Onanto eto Ubi wə díkatɔ bo úsu kato úsu únyə læ Onanto kosate eto ənəmi.

15 Bo Usumunyə Ninə Kenke enni nwə ləənnəyə bo kaminsə, se bumbə ale eso. Bomu bokpe utidi wə báto babe lə kusu saa əsuə fe bo ke. Fεε wényifo lehua saa. 16 Lə nyaso bitə lə buńyə bembe, lə bonyi bɔfi Onanto eto lekankpome kaka buunyə wə lefonə. Mfó wuunyə bo kaminsə bunyə wə lefonə nə lɔwunsəko bo lə lefe nə ke ehiã bo.

5

1 Usumunyə Ninə Kenke saa, betidinini nti ete bəələkə wə ketsyiko, nya bəətsyə wə bə lə uńyə lə mə kenyε lə Onanto eto kesumu əsuə, lə utə wə kedi lə bənyə mə abua eto bufikatsyε. 2 Se wə kosate, lə esu kpə əsuə, ləmbə ale lə okla əsuə esoo, okpe disuətsyə kətə mba lenyi kusu ko əsuə ele bə bayε eso baata kebu. 3 Nya se wə kosate ləmbə ale lə esu kpə əsuə esoo, ele bə utə kedi, enni lə wə betidi hã eto abua eto disi te bomuu, lə wə kosate tsya eto abua eto disi.

4 Kuutsyuə saa ənləkə wə əsuə Usumunyə Ninə Kenke kefi dibu nə laamankla lə ni kətə wə əsuə. Bomu Onanto hã laakpadi utidi, keyifo wə Usumunyə Ninə Kenke fe kase ókpadi Aaron seka. 5 Nko əmə ke, Kristo mémfi Usumunyə Ninə Kenke eto dibu útə wə əsuə, bomu Onanto leteyi wə nkə,

“Mɔ Ubisaibi fe ni.

Mmi mínle fə.”

6 Usi óteyi lə kalebe bamba tsya nkə,

“Usumunyə feni idu manlo isu manlo

fe Melkisedek eto okle.”

7 Se Yesu dídi utidi lə kasɔ kamfoo, óto ola ku lekpakpalεε kekleke ku bofa bembembe ku binəntu útə nwə lofo wə buləkə ketsyiko ukpə

kəmiə. Nya se óbokosə əsuə kasɔ nya woate Onanto sikpi esoo, Onanto áno wə olatoto. ⁸ Ite bə uyifo Onanto eto Ubi tsyaa, lə wə kanyinyənyə əsuə ókase kase baabokosə əsuə kasɔ. ⁹ Se Onanto díyifo wə nwə ləflɔ lə kusu saa əsuə ólosəə, úbə úyifo wə nwə əsuə mba kenke leetsyue wə koto laayɛ kənyə nkɔpə manlo. ¹⁰ Wə ni nwə Onanto letɛyi útsyə nkə wuubə ofiani Usumunyə Ninə Kenke fe Melkisedek eto okle.

¹¹ Etiki kɔpə kpe bo lə kənyɛ bo ele bə bɔtɛyi itsyi lə etiki nyamfo əsuə fɛ, fɛɛ nnya bɔtɛyi kpe bulə, itsyise bənle asa kasɔ bɔno mləmləmlə.

¹² Lefe kɔpə ákɛ bə eni befiani bateasa, fɛɛ bisi behiã utsyuə bə lə ote mi asa tute itsyi lə Onanto eto Ditiki Sɛɛ nəmə əsuə, lefe nə eto lefe ele bə bidi lesa nə nkpe ale, isi efe bə bɛyimi mmintu.

¹³ Utsyuə saa wə ele bə ɔyimi mmintuu, esi uyifo ubisambi wə lenyitɔ lesa nə ni lɛsɛ nye lebua.

¹⁴ Lesa nə nkpe alee, eyifo lesa nə lələkɛ itə mba díkabe ɛyɛ lə buyifokənyə əsuə, lofo lekpo butsyə lə nə ni lɛsɛ ku lebua eto nti.

6

¹ Nyaso bitə lə busu setɔ lə bobé lə asatete əsuə, lə bɔbɔ lə asatete tute nnya bófo itsyi lə Kristo əsuə. Nyamfo ni bənkə bɔtsyi bo akɔesi bɔwuninsə bɔbɔ lə abua əsuə ku nyifo bo ləmbə kutəkə saa ku lə Onanto bɔfokano əsuə. ² Báte mi asa lə ntuflesəfləsə, anitəkətəkə lə betidi əsuə, lə bekpənkɔpə eto businkli kataka kəbə nkɔpə ku lə lekɔkɔnkɔpə fɛfɛ əsuə. ³ Bitə lə busu setɔ! Nya nyamfo ele bə buyifo lə Onanto atono nkə busu setɔ nɛ.

⁴ Itsyise ntsyə yuubə bə mba léfo bání ko nya bésinkli kamaa, besinkliko mə baboko bōtsyikawuninsə eto kusu? Koo bákε lə Onanto eto diyənde əsuə, bádía kato eto ətəsa babe nya báfo Ləwɔnɔ Kenkε eto əsuəale. ⁵ Báte lə asa nnya díkəbə éfe əsuə bə Onanto eto ditiki alεkε nya bəkənyə kutəkə ko nkpe lə əsuəale nnya nkpe lə lefe nə luubə əsuə. ⁶ Lə nnya əsuəə, bání mə bofokanɔ lə Onanto əsuə! Esoo, yooke ale bə besi bənə mə baboko bōtsyikawuninsə əsuə, itsyise besi balε Onanto eto Ubi bɔsɔ lə uyikabie əsuə, kənə wə kakpe lə kofani əsuə lə kawunsia kenke eto ənəmi.

⁷ Onanto aakpo atsyɔ kasɔ ka ləənə nsɔmintu bo laani kakpo lə ke, ka leeke eyi ku sefa nnya laalekε itə mba eso baafɔ ke kakpe bidikə. ⁸ Fεε kasɔ ka leeke biyu ku kanyii, kaanlekε kətə kulesa, kakpe lə bulə əsuə bə Onanto ebukudi ke nya wootonsə ke ku ute.

⁹ Fεε balala, lə búdi etiki mmə tsyaa, bófo mi bɔnɔ boə lə mi kutsyə alεε, buyi boə béfo atsyɔkpokpo sεε nnya loofɔ mi lə nkpə. ¹⁰ Onanto enni nwə lanyε lə kusutsyɔntsyɔ əsuə. Weembota keyifo ka biyifo nye lelabi nə bitə wə lə ləwunsəko bo bitə nya binsi bənle butə bafokanɔfɔ bamba. ¹¹ Bo lelabi itə mi ni bənkə mi utsyuə saa lə nnya kekleke nko isu ese lə kalosəkɔ, bə lesa nə bənle kusu bobee, le ibə itə nko. ¹² Boanla boə biyifo seflɔ, bomu lə biyifo asa fe bafokanɔfɔ ba nkpe dibusə bə lə bafɔ lesa nə Onanto dítsyə kenye útə mə.

Onanto Eto Kenye Ka Útsyə Eyifo Sitinti.

¹³ Lefe nə Onanto dítsyə Abraham kenyεε, óteyi óse uyi nkə, wuuyifo læ lesa nə óteyi útsyə əsuə. Se kuutsyuə læmbə læmɔ onso wə esoo, úfi wə kosate eto diye únyənsə kama. ¹⁴ Ɔteyi nkə, “Nlɛ fə kenyε butsyə minkə, mookpo fə atsyɔ, ntə fə befluflu kpə.” ¹⁵ Nya se Abraham læke dibusə, úmuə utu ɔlɛ esoo, únyə asa nnya kenke Onanto dítsyə wə kenyε.

¹⁶ Betidi aakpadi asa nnya læmɔ enso mə kosate eto diye læ befi bala etiki nnya bátɛyi, læ befi bala etiki nnya tã. ¹⁷ Nyamfo eso Onanto lékpadi asa úfi óse wə kenyetsyətsyə uyi nɛ, bə læ ekpako mba luubə bafə wə kenyetsyətsyə wuee bə wə ketsyue amfloma kulefe. ¹⁸ Onanto áyɛ læ esu ənuə əsuə, nya ni kenyetsyətsyə ku asakpadikpadi nnya lantsyi kawuninsə, nya bembufi batɛyi sidia tsya, nya bomba díkənyə kabiɔkɔ læ wə, bonkpɛ kusubebe læ wə əsuə, læ bɔkɔbɛ nnya bɔlɛ kekleke ku kusubebe ko eto kenyε bətsyə bo.

¹⁹ Kusubebe ko nkpe bo mfo eyifo fe lesa nə dímuə bo nkpə butsyə kekleke. Nya kusubebe komfo aakpia kafia ka nti Disumuyo eto sɛtɔ kafe kedufə læ kedikətəkɔ kəmiə. ²⁰ Mfó əmə Yesu díkatɔ úsu læ bo kenyε fe ɔtɔusu seka. Wə díbə ofiani fe Usumunyə Ninə Kenke Melkisedek eto okle isu ese manlo manlo.

7

Usumunyə Melkisedek

¹ Melkisedek əmfo édi seka læ Salem, nya úyifo usumunyə útə Onanto wə ntəkə kato fanlo fanlo.

Ɔbo ótsyako Abraham læ lefe nə útsyi lema nə úsu ókpo nya útəkə baka ena ba létsyilama mfó kato. Melkisedek əmfo ésu ótsyako wə nya ókpo wə atsyɔ. ² Nya Abraham dítə wə bikə bia ɔkɛ utsyiko mfó eto lekpafofile.

Tutɛɛ, diye Melkisedek eto kasɔ ni Kasɛyifoyifo eto Oka. Nnya kama se údi Salem eto Oka esoo, wə diye eto kasɔ ni Diyuəsə eto Oka. ³ Bánwɔni kulesa bətsyə itsyi læ wə anto nye ambe nye læ wə ketsyiko əsuə nye wə leleyi lee læ wə ukpə əsuə. Uyifo fe Onanto eto Ubi, nya úyifo usumunyə ídu læ ketsyikokɔ isu kalosəko.

⁴ Bebe kase úyifo utidi wə lefo diye. Abraham wə ni bo ona wə léfo diye éfi bikə bia útsyiko kamato eto lekpafofile kulaa tsya útə wə! ⁵ Nya mómɔɔ, bətsyə kɔfi ko dítə kusu bənkə, Lewi eto befluflu di besumunyə. Baafɔ bikə bia Israel bebi ba ni mə betidi eto lekpafofile læ mə ɔflo, ite bə mə betidi bamə tsya eyifo Abraham eto befluflu tsya fɛ. ⁶ Melkisedek əmfo ményifo Lewi eto kafo eto ubi, tsyaa ófo lekpafofile utsyiko læ Abraham ɔflo, wəə ni utidi Onanto díttyə kénye nya ókpo wə atsyɔ tsya. ⁷ Ɔnukuale əmə ni bənkə, utidi wə laakpo atsyɔ kpe kalende oso utidi wə bákpo atsyɔ. ⁸ Lə besumunyə eto kutsyəə, mba laafo asa eto lekpafofilee, eyifo besumunyə ba lækpə. Lə Melkisedek eto kutsyəə, ófo lekpafofile nəmə fe usumunyə, fɛɛ wə nsi nkpə manlo fe kase Awɔnisa Kenkɛ eto Kukue nɛ bɔtɛyi. ⁹ Nya boofɔ bɔtɛyi kulaa tsya boə Lewi wə laafo lekpafofile nəmfoo, óye læ Abraham eto kutsyə ófo asa eto lekpafofile nəmfo útə Melkisedek. ¹⁰ Itsyise lefe

nə Abraham létsyako Melkisedek nya útə wə asa eto lekpafošile nəmfo, bánle tɔ Lewi, usi ókè lə wə ona eto kɔtɔ kəmiə.

¹¹ Lewi bebi eto besumunyədidi əsuə nnya kɔfi lɛyɛ kubə itə Israel bebi nɛ. Nya lə nnya ete Lewi bebi eto besumunyədidi lɛflɔɔ, eni yensife bə usumunyə bamba eto okle si ubə, nwə lɛbɔ utsyi lə Melkisedek eto okle eto kutsyə əsuə, inni lə Aaron eto kutsyə. ¹² Lə besumunyədidi eto kutsyə átsyi kɔwuninsəə, ele bə kɔfi ko nyenko ko tsya tsyi kɔwuninsə. ¹³ Nya Bonamute wə əsuə bátɛyi asa nyamfo betsyikoo, étsyi lekpahe bamba nə eto utidi kuutsyuə díməndi tɔ usumunyə unyə. ¹⁴ Ékpa wuee bə bále wə lə Yuda eto kafo, nya Moses mánkpo kafo kamfo eto diye ókpe lə mba luudi besumunyə nti.

Usumunyə Bamba Wə Ni Fe Melkisedek.

¹⁵ Etiki nyamfo esi ekpa eso, lə lefe nə eto lefe usumunyə bamba eto okle fe Melkisedek disi úbə údufə. ¹⁶ Utidi əmfo əbə ófiani usumunyə wə dímanyɛ lə utidi eto afi ku bunə əsuə, bə ofiani usumunyə lə diyo nə leedi əsuə, bomu ɛyɛ lə əsuəale nnya eto nkɔpə ləmbə kalokɔ kulefe əsuə. ¹⁷ Awɔnisa Kɛnkɛ nyamə átɛyi ekpa wuee nkə, “Usumunyə feni idu manlo isu manlo fe Melkisedek eto okle.”

¹⁸ Nyamfo lɛ bote nkə bələkə kɔfi koko komə bətsyə kutsyə itsyise kumbə kɛnyɛale nya koənyə kutə kulesa. ¹⁹ Itsyise Moses eto kɔfi mamfo kulesa nə lɛflɔ buyifo. Nya mɔmɔɔ, bətə bo kusubebe fɔfɔ ko lɛlɛkɛ konso, nya bɔɔyɛ lə ko əsuə bɔfi Onanto enso.

²⁰ Ɔwunsə, Onanto aká ntamu ówunsə lə usumunyədidi fɔfɔ əmfo əsuə. Koo Onanto mánka ntamu ówunsə lə usumunyədidi əsuə.

²¹ Fɛɛ se Yesu léfiani usumunyə, Onanto áka ntamu útə wə ótɛyi nkə,

“Bonamute áka ntamu,

nya wəmbotsyi wə kɛnye ɔwuninsə lə nnya əsuə nkə, ‘Usumunyə feni idu manlo isu manlo.’ ”

²² Nyamfo ətə bə Yesu əbə ófiani nwə ńyə kɛnyeklekle kamfo kama, ka lələkɛ kanso.

²³ Botsyi kawuninsə bamba tsya əbə. Besumunyə ba kɔ éfui tinti, nya bánkakle lə mə keyifo əsuə. Itsyise békɛkpə. ²⁴ Fɛɛ se Yesu, wə nsi nkpə itə manlo manlo esoo, wə keyifo fe usumunyə amfloma ani kesu utidiamba ɔflo. ²⁵ Lə nyasoo, woafɔ mba ləəbə Onanto ɔflo lə nkpə lefe saa ɛyɛ lə wə kosate əsuə, itsyise usi nkpə lefe saa ɔlɛ bofokətə mə lə Onanto ɔflo.

²⁶ Lə nyamfo esoo, ele bə Usumunyə Ninə fe Yesu kɛ bo. Nwə diyifo kɛkɛ, nya kabua saa ləmbə wə lə əsuə, nya woambiasə əsuə, wə bələkə lete lə babuayifo nti, wə bábəsə kato fanlofanlofanlo. ²⁷ Yanhiã kulaa bə Usumunyə Ninə Kenke ɛmfo eto oklee, kətə Onanto kedi lefe saa, tutɛ lə wə kosate eto disi esoo, nnya kama lə betidi bamba eto disi eso, fe kase besumunyə ninə kɛkɛ leeyifo. Uyifo nyamfo diyifo ləwɛ itə lefe nə kɛkɛ lə lefe nə úfi wə əsuə útə. ²⁸ Lə ɔnukualɛ əsuə, Moses eto kofi komə ətsyə betidinini ba dímamfloɔ, besumunyə ninə kplɛ, fɛɛ Onanto eto ntamu bo óka lə Moses eto

kofi komə kamaa, ətsyə wə Ubi Usumunyə Ninə Kenke wə úyifo ləflo itə lefe nə kenke.

8

Yesu Ni Bo Usumunyə Ninə Kenke.

¹ Nnya kenke bɔnlɛ bɔtɛyi ete ni bənkə, bokpe Usumunyə Ninə Kenke əmfo eto okle, wə nsi lə Ɔkplenyə Kenke eto lekankpome eto kodiani lə kato. ² Usumunyə Ninə Kenke əmfo eesumu lə kakənkəkɔ ka ni Disumuyo tinti ka Bonamute díyifo, inni betidi díyifo.

³ Bətsyə Usumunyə Ninə Kenke saa bə lə ufi ətəsa saa ku bebuki utə Onanto. Nyaso ele bə bo usumunyə tsya kɛ lesaatsyuə nə uufi utə kedi. ⁴ Nya lə kasɔ mfo ete onkpee, eni wə əmbuyifo usumunyə, itsyise besumunyə ba ləətə kedi lə Yudafo eto kofi eto kusuu, fe bakpe koko. ⁵ Keyifo ka beeyifo fe besumunyə mfo eyifo nka nte beeyifo lə Onanto eto kato eto koyo ete.

Nko esoo, lə lefe nə Moses nkə woato disumunyoo, Onanto lɛtɛyi wə nkə, “Be fənkə eyifo ni lekateko ku ditsyəbi nə báte fə lə kɔtini əsuə.” ⁶ Fɛɛ mɔmɔɔ, bətə Yesu kesumu eto keyifo ka ntəkə mə kale kato, fe kase kɛnyeklekle ka útsyue lə wə betidi ku Onanto eto ntii, alɛkɛ kaso nka kɔ, itsyise wə kɛnyɛtsyətɛsyə eto asa alɛkɛ eso asa nnya nkpe lə nka kɔ.

⁷ Lə nya ete kulesa dimambia lə kɛnyeklekle tute kamə əsuə, eni yensife itə kənuəfə kamfo.

⁸ Fɛɛ Onanto ənyə kabua lə wə betidi əsuə se ótɛyi nkə,

“Lefe lɛ bubə se mɔ, fə Onamutee,

lookle kenye fɔfɔ
 ku Israel eto betidi
 ku Yuda eto betidi.

⁹ Kenyeklekle kamfo embutsyɔ fe nka
 mɪnkle ku mɔ bana mɔ,
 lɔ lefe nɔ mɪnkɔbe mɔ minlɛ lɔ kɔni
 nya mɪnkpa mɔ mɪmbɔnko lɔ Egipte eto
 kasɔ.

Itsyise bɛntsyue mɔ kenyeklekle kamɔ koto.
 Nyaso mɪntsyi kama mɪnkpe mɔ nɛ.

Mmɔ Bonamute nle bɔtɛyi nɛ!

¹⁰ Mɔmɔɔ, nyɔ kenye ka mookle ku Israel eto
 betidi
 lɔ lefe nɔ lɔɔbɔ mɔ.

Muufi mɔ kɔfi nkpe mɔ lɔ mɔ nsusu kɔmiɔ.
 Nya mɔɔwɔni ko nkpe lɔ mɔ ketu kɔmiɔ.

Muuyifo mɔ Onanto,
 nya mɔ tsya ebuyifo mɔ betidi.

¹¹ Nya mɔ kuutsyuɔ ensi embote wɔ utsyuɔ
 kulesa
 nye wɔ oyimitsyuɔ tɛyi nkɔ bete Bonamute
 ɔmɔ.

Itsyise mɔ utsyuɔ saa ebote mɛ
 idu lɔ dikpefi isu ese lɔ uninɔ ɔsuɔ.

¹² Nya muufi mɔ abua nnya kenke bɛyifo ntsyɛ
 mɔ.
 Nya mensiembokloma mɔ abua nya bɛyifo
 kulefe.”

¹³ Se Onanto lɪdi etiki utsyiko lɔ kenyeklekle
 fɔfɔ ɔsuɔɔ, ete kasɔ bɔ nka kɔ eyifo kakoko.
 Nya lesa saa nɔ lefiani lekoko nɔ lesibɔ kutɔkɔɔ,
 ɔmbɔkle fɛ dionya kenke.

9

Kase Biusumu Onanto Lə Kaso Ku Lə Onanto Eto Oto Kato.

¹ Kenyeklekle tute eto afi áke kesumu eto afi, nya béyifo kaso mfo eto Disumuyo tsya bətsyə. ² Béyifo Kafia eto Mpatampa Kenke nya bésie ni lə akpa ənuə ku kafia. Baakpo seto eto lekpa bə Kakenkekə. Mfó bənyənsə okandie eto keyi ku kesumu eto opunu wə əsuə bəətəkə abolo nnya beefi kətə Onanto kedi. ³ Lə Disumuyo eto kaka befi kafia bala eto kamaa, ni kaka baakpo Kakenkekə Kenke. ⁴ Mfó bəfi sika sia eto opunu wə əsuə baatonsə lifui ku kenyeklekle eto lelaka nə befi sika sia beti batsyilama bətsyə. Nya kenyeklekle eto lelaka nəmə kafoo, bákpe asa nnya ni sika sia eto okase utsyuə wə eto kafo bákpe didisa nə baakpo mana, ku Aaron eto uyilele wə díkə ku afanto, ku aba blekete ənuə nya əsuə bəwəni Onanto eto afi bətəkə. ⁵ Lə lelaka nəmə eto kato bəwe Onanto eto asa nnya nkpe nkpe baakpo bə Kerubi eto ditsyəbi bətəkə ba nle Onanto eto diyənde buləkə kate. Mə mbamba eto koyo éti kaka bəənyə betidi kaminse kefi mə abua katsye mə. Fəe boəmbofo etiki budi mfo kələkə asa nyamfo kenke kaso kate mómə.

⁶ Nko ini bətsyue asa nyamfo bətsyə mfó nē. Besumunyə bamə eedufə Disumuyo tute kamə diyi saa kesu keyifo mə kesumuyifo mfó. ⁷ Kəmiə eto Disumuyo nəməə, Usumunyə Ninə Kenke hā nkpe kusu weedufə mfó lele səni hā. Nya lə otə, ele bə ufi ubuki eto kətə usuko mfó usu utə Onanto kedi lə wə ku kusə komə kenke eto betidi eto abua nnya béyifo lə mə mante mante əsuə

eto disi. ⁸ Eyε lə nyamfo əsuə, Ləwɔnɔ Kenke ələkə óte nkə se sətɔ eto Disumuyo nəmə nsi nte koo, yəntə kusu bə kuutsyuə saa kpia mfó ofe udufə lə Kakɛnkɛkɔ Kenke kəmiə. ⁹ Nyamfo eyifo asabuləkə kate ətsyuə itə utidi taa mmi, lə mmi eto kesumu əsuə. Itə bə bəətə ətəsa ku keditətə eto asa nyamfo lə ketsyue kamfo eto kusu əsuə tsyaa, nyamfo əntə bə nwə nɛ Onanto kesumu butə eto ləkɔəsi laakpa kenke. ¹⁰ Itsyise nyamfo kenke nyə lə budi ku bunə ku akpa eto etsyuesa kpə kpə, nnya ləyε lə utidi eto əsuə bokpasə eto esu əsuə ete. Bəyifo etsyuesa nyamfo kenke itə utidi isu ese lefe nə Onanto luubə ɔlɔ lesa saa utsyə eyε lə kusu fɔfɔ əsuə.

Kristo Eto Kɔtɔ Əələkə Abuayifoyifo Kalosə Lə Betidi Ɔsuə!

¹¹ Fεε Kristo ebubə koko fe Usumunyə Ninə Kenke itə asa sεε nya díkəbə. Uyifo usumunyə lə Kafia eto Mpatampa nə ləmɔ, nya ləflɔ lenso Kafia eto Mpatampa nə kɔ. Dienyifo dibu nə utidinini dífi wə ani uyifo eto kasɔ ni bənkə dienyifo kasɔ kamfo eto asayifoyifo. ¹² Lefe nə Kristo dídufə disumuyo nə məə, óyε lə ni ofe lɔni kplo, údufə lə kaka ni Kakɛnkɛkɔ Kenke. Nya wémfi bate nye banantsyui eto kɔtɔ uyifo fe keditətə, bomu wə kosate eto kɔtɔ itə lefe nə ta! Nya úyifo nko bə lə Onanto lə utə bo nkpə manlo.

¹³ Weefi bate ku banantsyui eto kɔtɔ ku onantsyui eto ləkɔə nə baatonsə eto ntɔ beefi kese lə nwə eto əsuə dimanle itə lə wə əsuə lə ele, iyifo wə kenke. ¹⁴ Lə nyamfo eyifo sitinti, nyalε ntsyə yuutsyə bə Kristo eto kɔtɔ bomu

embokpasə bo esuə eso nko! Ɛye lə wə Ləwɔnɔ nə nsi nkpə lefe saa əsuə, úfi wə əsuə útə fe keditətə ka ləflo utə Onantə. Wə kɔtɔ ebufləsə bo akɔəsi itsyiko lə akpa bimba eto eyifosa nnya ləmbə kutəkə saa bə lə busumu Onanto wə nsi nkpə lefe saa.

¹⁵ Nyaso Kristo ni nwə Ɛye lə kənyeklekle fɔfɔ kamə əsuə, dínyə lə bo kənyɛ ófo útə bo, bə lə betidi ba Onanto lékpadi lə bənyə nkpə manlo eto kedikɔ ka Onanto dítsyə kənyɛ útsyə. Nyamfo ebofo bubə kətə itsyise utidi ɔni wə díkpee, díləkə abuayifoyifo nnya ləkə lə kənyeklekle koko eto lefe úwui, bənyə bufikatsyɛ.

¹⁶ Lə kase yəəbəə, lə utidi mənkpəə, beensensə wə kənyetsyətsyə eto kukue eto bikə. ¹⁷ Lə utidi wə dítsyə kənyɛ si usi nkpəə, bəmbofo utidi əmə eto bike busənsə. ¹⁸ Lə nnya eso bəfi kɔtɔ bákpe əsuəale kənyeklekle koko kamə əsuə nɛ.

¹⁹ Tutɛɛ, Moses ábe letsya úləkə aklesa nnya nkpe lə kɔfi komə óte kusə komə kenke eto betidi. Nya úfi bate ku banatsyui eto kɔtɔ otsyakasə ku ntu ku basamu eto bisə sia ku afantosi nnya laanyi fififi fɛ úfi úse lə kɔfi eto kukue ku betidi bamə lə əsuə. ²⁰ Nya ótɛyi nkə, “Nyamfo ni kɔtɔ ko Onanto dífi ose kɔfi ko utə bo uyi nkə butsyue ko koto.” ²¹ Nko ke Moses dífi kɔtɔ komə úsə lə Kafia eto Mpatampa nəmə ku asa nnya kenke bəfi bəyifo kesumu kamə nɛ. ²² Sitinti lə kɔfi komə əsuə kɔtɔ beefi kəflə lesa saa əsuə. Nya lə bankpɔ kɔtɔɔ kasɔɔ, beemfi lebua katsyɛ.

Kristo Eto Esuə Nya Úfi Útə Te Fe Kedi Ka Ləəflə Bo Abua Kewui.

²³ Iínyə itə bə béyifo nkomə eto akpa nyamfo lə befi bakpasə asa nnya lele kato eto ale əsuə. Fεε lə asa nnya ni kato eto ale eto kutsyə, befi keditətə eto asa nnya lekpa əsuə enso kaso mfo eto alee, bákpasə nnya əsuə. ²⁴ Itsyise Kristo mensu kakenkəkə ka befi kawunsia kamfo eto betidi eto ani beyifo, ka ni kakenkəkə kato eto okle ete. Bomu úsu kato kosate, kaka woala kənyə kətə bo lə Onanto eto ənəmi. ²⁵ Kristo ménsu mfó nkə lə ufi wə əsuə utə kedi sesia sesia lə bo disí, fe kase Yudafə eto Usumunyə Ninə Kenke leedufə Kakenkəkə Kenke mfó keyifo lələ saa lələ ku ubuki eto kətə, ko lenni wə kosate eto kole. ²⁶ Lə nko ini, eni yoofe bə ufi wə əsuə utə, unyə kanyi sesia sesia idu lə kawunsia eto ketsyikokə ke. Bomu kase inte mómə, Kristo əbə ləni kplo lə kawunsia eto kalokə eto eyi nyamfo lə ufi wə kosate eto əsuə utə fe kedi lə uləkə lebuə uwui, lə bo disí.

²⁷ Onanto dítsyə nnya nkə utidi kpə sɔni kplo, nya lə nnya kamaa, bakponko wə lekpo. ²⁸ Nko ke ini Kristo dífi wə əsuə útə fe kedi sɔni kplo, itə betidi kpə eto bofo ketsyiko lə abua əsuə. Wuusinkli ubə dinuəfə, insini lə lebuə eso, bomu bə lə ubə uləkə mba nsi banlə wə kusu bobə itə nkpə manlo.

10

Kristo Éfi Wə Esuə Útə Fe Kedi Sɔni Kplo Lə Betidi Eto Disí.

¹ Yudafo eto kofi komæ, asa sɛɛ nnya nɛ bubæ eto koyo ete kuni, inni asɛ nnya kosate læbæ bubæ ini. Nyaso kofi komæ embofo boye læ keditætæ ka beeyifo lælɛ saa lælɛ keyifo betidi ba laanyi kafi Onantoo, baflɔ balo kulefe. ² Læ nnya ete boofɔ betidi ba nɛ Onanto busumu buyifo kɛnkɛnkɛ babɔ læ mæ abua æsuæ, eni mæ ketu ensiembolo mæ dikpi bio, nya keditætæ saa ebolo. ³ Fɛɛ keditætæ lælɛ saa lælɛ nyamfo aaklomasæ betidi mæ abuyifoyifo hã te. ⁴ Itsyise bate ku banantsyui eto kɔtɔ embofo abua buflæ kewui læ utidi æsuæ.

⁵ Læ nyamfo eso fɛ Kristo luubæ kawunsia kamfoo, óteyi Onanto nkæ,

“Ámanhiã keditætæ ku asatætæ,
bomu éyifo æsuæ eto sinæ ætæ mɛ.

⁶ Bebuki botonsæ kætæ kedi ku lebuayifoyifo eto asatætæ læ kedikætækɔ eto leba æsuæ, aankpe fæ disuæyua.

⁷ Nya mínteyi minkæ, ‘Nyæ mɔɔ, mbæ miæ meyifo fæ lelabi fe kase bawɔni læ mɛ æsuæ læ kofi eto Kukue kãmia.’ ”

⁸ Tutɛɛ, óteyi nkæ, “Ámanhiã keditætæ ku asatætæ, bebuki botonsæ kætæ kedi ku lebuayifoyifo eto keditætæ.” Nya yənyuəsəfə kafo tsya, ite bæ kofi komæ áte nkæ beyifo nko fɛ. ⁹ Mfó óteyi nkæ, “Nyæ mɔ mfo. Mbæ miæ meeyifo fæ lelabi.” Eyɛ læ nyamfo æsuæ esoo, Onanto əlækæ keditætæ eto asa nnya kɔ útsyə kutsyə. Nya úfi Kristo eto keditætæ útsyə læ nnya kɛnyɛ. ¹⁰ Se Yesu Kristo díyifo læ Onanto eto lelabi æsuæ eyɛ læ kase úfi wə æsuæ eto

sinə útə sɔni kplo itə afe nnya ta esoo, Onanto ákpasə bo əsuə lə nnya eso.

¹¹ Diyi saa, Yudafo eto usumunyə ənyə lə Onanto eto Disumuyo. We efi ətəsa nyamə ke kətə kedi lefe saa, ite bə yembofo abua nyamə buflə kewui tsya. ¹² Fεε se Kristo díbə útə kedi kani kamə hã lə abua eto disi itə lefe nə kenke ólosəə, úsu úsiə lə Onanto eto kodiani. ¹³ Mfó unsi mómó idu isu ese lefe nə Onanto luufi wə balo okpe lə wə nkpakalo. ¹⁴ Kristo efi wə əsuə útə fe kedi ditə ləwε, nya úyifo mba eto əsuə bákpasə ləflə beyifo kenke isu manlo.

¹⁵ Nyaa, Ləwɔnɔ Kenke ələkə nya ote wee nkə, ¹⁶ “Nyə kənyε ka mookle ku mə lə eyi nnya ləbə mmə kama.

Muufi mə kɔfi nkpe lə mə ketu kəmiə.

Nya mɔwɔni nya lə mə nsusu kəmiə.”

¹⁷ Nya usi óteyi nkə,

“Mensi embokloma mə abua ku mə eyifosa bua saa.”

¹⁸ Lə befi asa nyamfo bátsyεε, yensiembofe bə, besi bətə kedi lə abua eto disi.

¹⁹ Lə nyamfo esoo, mə bayimi, bokpe kusu buedufə Kakenkekɔ Kenke kamə eyε lə Yesu eto ukpə wə úkpə eso. ²⁰ Itsyise ósini kusu fofɔ utə bo, ko ni nkpe eto kusu eyε lə kafia ka bėti lə Kakenkekɔ Kenke eto kənyε mfó ka nyə itə wə kosate eto əsuə eto sinə. ²¹ Bokpe Usumunyə Kplε wə nsi lə Onanto eto diyo nəmə eto kənyε. ²² Nyaso bitə lə bɔnyi bɔfi Onanto ku sitinti eto utu, ku bofokanɔ keklege ku akɔesi nnya bəflə éle kenkenke bələkə betsyiko lə abua əsuə ku ntu bo keni saa ləmbə bə bo akɔesi ensi aalo bo dikpi. ²³ Bitə lə bɔle nnya bofo

bɔnɔ, bɔnlɛ kusu bobɛ kɛtɛ nya boɛlɛkɛ kateɛ lɛ kɔni kekɛɛ, itsyise Onanto wɛ ditsyɛ bo kɛnyɛɛ, eyifo ɔnukualɛnyɛ. ²⁴ Bitɛ bukebu disi lɛ bukakpɛ bo bɛtsyuɛ otsyɛklɛ lɛ lɛyimila ku nkɛpɛ sɛɛ busiɛ ku bɛtsyuɛ ɛsuɛ. ²⁵ Biɛntɛ lɛ bɔyɛ disikakpɛkɔ busu fɛ kase bo nti eto bɛtsyuɛ leeyifo seka. Bomu bitɛ lɛ bokpɛ bɛtsyuɛ nkɛale enso, se binyi biɛ Bonamute eto Diyi nɛmɛ fɛ lɛlɛ bɔnyi kafi.

²⁶ Fɛɛ lɛ buyi ɔnukuale ɛmɛ, fɛ busi butsyɛ bɔnlɛ asa bua buyifo, nyalɛ keditɛtɛ saa ensibɛ ka dulɛkɛ abua iwui itɛ bunyɛ bufikatsyɛ bio. ²⁷ Bomu nya lesa saa nɛ luubu ni bɛ Onanto ookpronko bo lekpo, nya wɔɔtsylɔsɛ mba lɛtaka bɛnyɛ lɛ wɛ ɛsuɛ lɛ ditɛfɛnku nɛ nkɛpɛ kɛnyɛ ale! ²⁸ Utsyuɛ saa ke dɛmɛntsyue Moses eto kɔfi kotoo, bolo baalo wɛ kaminɛsɛ mɛnyɛmɛnyɛ, lɛ bakpronko wɛ lekpo balo wɛ dikpi lɛ badansɛ inuɛ nye itsyɛ eto kɛnyɛ kama.

²⁹ Nya ntsyɛ yuutsyɛ itɛ nwɛ laani Onanto eto Ubi, nwɛ lɛɛntɛ dibu Onanto eto kɛnyɛkɛklɛ eto kɔtɔ ko dɛflɛ wɛ ɛsuɛ nya ɛlɛkɛ wɛ utsyiko lɛ lebuɛ ɛsuɛ nya waaka lefonɛ eto Lɛwɔnɔ? Ntsyɛ fɛ kotonɛnɛ kekɛɛ kutsyuɛ eto okɛ lembunyɛ kutɛ wɛ! ³⁰ Itsyise buyi nwɛ lɛtɛyi nkɛ, “Muutsyɛ nnya kɛnyɛ. Mɔɔ, maatisɛ oko.” Nya owɛ tsya lɛtɛyi nkɛ, “Bonamute ebokpronko wɛ betidi lekpo.” ³¹ Mbɔbɔɛ mɛtɛ nwɛ luudufɛ lɛ Onanto wɛ nkɛpɛ nkɛ eto lefonyi ɛsuɛ.

³² Bekloma kase itsyɛ lɛ lefɛ nɛ lefɛ mmɛ. Lɛ lefɛ nɛ Onanto eto diyɛnde dɛkabo lɛkpo mi lɛ ɛsuɛ, nya bulɛ kpɛ dɛtu mi, fɛɛ bulɛ bomɛ

məntəkə mi kato. ³³ Lefe ditsyuə, baaka mi kulaa tsya læ betidi nti nya beeyifo mi disiale, nya læ afe bamba ətsyuə tsyaa, beebu mi kakpe læ mba əsuə banlɛ asa nyamfo buyifo kakpe eto nti. ³⁴ Bińyə kanyi ku mba befi bakpe læ aba eto diyo. Nya lefe nə bəmuə mi balɛ mi bikə bafə læ əsuəale əsuə tsyaa, yənlə mi itsyise bete biə bisi bekpe bikə bia lefo koya enso mi, bia lembobia kulefe.

³⁵ Lə nyaso biəntə læ elo mi ani itsyise yuunə kutəkə kpə eboko mi. ³⁶ Ele bə bekpe dibusə læ biyifo Onanto eto lelabi læ befo lesa nə útsyə kənyɛ utsyə mi. ³⁷ Itsyise fe kase Awonisa Kenkɛ eto Kukue lɛtɛyii,

“Ibu sɛkɛɛ, læ nwə nlɛ bubə læ ubə udufə,
wəmbofe kama ku bubə.

³⁸ Mɔ utidi wə ni ɔsɛɛ, ebunyə bofokanɔ usiə
nkpə.

Fɛɛ læ mə utsyuə etsyi kama okpe mɛɛ,
membunyə disuəyuə læ wə əsuə.”

³⁹ Fɛɛ boo, bunny betidi ba leetsyi kama kakpe bo bofokanɔ bə læ bonya. Bomu boo, bófo bóno, nya Onanto léfo bo.

11

Lesə Nə Ni Bofokanɔ.

¹ Lə akpe bofokanɔ, eté bə akpe kusubebe kekleke itə lesa nə fanlɛ kusu bobɛ kətə. Itɛ bə anlɛ ni bunyə tsya. ² Bofokanɔ dítə Onanto dínyə disuəyuə læ bo bana əsuə læ kokolefe.

³ Eyɛ læ bofokanɔ əsuəə, nya bóno kasɔ boə Onanto éyifo kawunsia kenke læ wə ditiki əsuə. Nya úyifo nnya utsyiko læ lesa nə dimankɛ bənyə kɔ əsuə.

⁴ Bofokanɔ ɛsuə ɛye nya Abel dífi asa nnya lələkɛ enso Kain eto ale útə Onanto kedi ɛso Onanto dínyə wə nwə leeyifo kaseɛ. Onanto áfo wə ətəsa nnya óye læ nnya ɛsuə údi wə kenye nkə uyifo ɔsɛɛ. Ite bæ Abel ékpe tsyaa, wə bofokanɔ si bələ etiki budi ketsyiko læ wə ɛsuə.

⁵ ɛye læ Enok eto bofokanɔ esoo, weenkpe. Onanto étsyi wə úsuko kato. Kuutsyuə saa mənnyə wə, itsyise Onanto étsyi wə usuko kato. Awɔnisa Kenke eto Kukue læ bɔteyi nkə, fe útsyi Enok úsuko kato, wə asa édufə Onanto ənə. ⁶ Kuutsyuə eto etiki embudufə Onanto ənə, lenni ɛye læ wə bofokanɔ ɛsuə. Itsyise utsyuə saa wə ke læbə Onanto ɔflo, ele bæ ofo ɔnɔ nkə Onanto kpe nya wəətə mba laabebe wə lænyə wə.

⁷ ɛye læ bofokanɔ ɛsuə nnya Onanto díkə Noa ato kekkele itsyi læ asa nnya læbə bubə nya wəənnya tɔ unyə ɛsuə. Útsyue Onanto koto nya ówe lelaka eto ɔklɔ nə léfo wə ku wə diyo eto betidi læ nkɔpə. ɛye læ wə bofokanɔ bomfo ɛsuə Noa ələkə óte nkə kawunsiə eto betidi kenke édi dikpi. Nya ófiani ɔsɛɛ læ Onanto eto ənəmi nya únyə kediko læ wə ɔflo.

⁸ ɛye læ bofokanɔ ɛsuə nnya Abraham lenɔ Onanto eto bokpadi bo ókpadi wə nkə usu kasɔ ka Onanto dítsyə kenye útsyə nkə wuufi utə wə fe wə kediko ɛsuə. Údu læ wə kasɔ úsu kaka wántɛ kulaa tsya. ⁹ ɛye læ bofokanɔ ɛsuə, úsiə fe ɔfo læ kasɔ ka Onanto dítsyə wə kenye. Úsiə læ ebu fe Isak ku Yakob ba léfo kenye tsyatsyə itsyi læ Onanto ɔflo. ¹⁰ Abraham ákabe kusu itə umənkplɛ wə báto bənyənsə wə ni nwə Onanto kosate léto.

11 EƳe læ bofokanɔ ʌsuə, ite bæ Abraham wə dɪkabe ófee, léfiani anto nya Sara wə dɪkabe ofiani uninəsia tsya lələ kafo, Onanto ətə nkə Abraham fiani ubianto itsyise uyi nkə Onanto wə dɪtsyə kənyɛ útsyə, éyifo læ wə kənyɛ ʌsuə. 12 Itə bæ Abraham obobe uku tsya, eƳe læ utidi ɔni əmfɔ ʌsuə, nya befluflu kpə ləbɔ betsyi fe befandebi nkpe kato, fe kase lekpa eto kɔwunumi ko bəmbɔfo læ lekpa kənyɛ.

13 Betidi bamfo kenke ʌsiə nkɔpə læ bofokanɔ ʌsuə isu ese lefe nə bəkpə. Bámfo asa nnya Onanto dɪtsyə kənyɛ útsyə. Fɛɛ bənyə nya famfamfama nya bətə nya edufə nya batɛyi bənkə sitinti bafo ku mba nyɛ kusu ete beni læ kasɔ kamfo ʌsuə. 14 Nya betidi ba latɛyi asa nyamfoo, ələkə kate wuee bənkə balɛ kusu bobɛ kətə mə kosate eto kəmənɔ. 15 Lə kasɔ ka ʌsuə bétu ete banlɛ bɔbɛbɛɛ, eni bátafo businkli kesu mfó. 16 Bomuu, bákabe kusu itə kasɔ ka lələkɛ kanso nkamfó. Ke ni Onanto eto kato. Nyamfo eso yaanlɛ Onanto kofani læ bakpadi wə bæ mə Onanto nɛ, itsyise ɔlɔ umənkplɛ utsyuə útsyə itə mə.

17 EƳe læ Abraham eto bofokanɔ eso læ lefe nə Onanto léto wə óbee, ite bæ Abraham ni nwə Onanto dɪtsyə kənyɛ utsyɛ tsyaa, ɔtɔnɔ læ ufi wə ubi ɔni kplo Isak utə Onanto kedi. 18 Itə bæ Onanto ébɔtɛyi wə nkə, “EƳe læ fə ubi Isak ʌsuə nya fuunyə befluflu kpə ba míntɛyi míntsyə.” 19 Abraham éfi nnya nkə, Onanto ebofo wə ubi Isak botakasə ketsyiko ɔkɔmə kaboko nkɔpə. Nya fe kase íbəə, Abraham ɛsinkli ófo Isak fe ɔkɔmə útsyi úbə.

²⁰ Eyε lə bofokanŋ əsuə nnya Isak lékpo Yakob ku Esau atsyŋ itə setŋ sia nle bubə.

²¹ Eyε lə bofokanŋ əsuə nya Yakob le lefe nə ɔnle bukrəə, ókpo Yosef eto bebi atsyŋ, nya ótesə Onanto se úkrəsə lə uyi wə waale əsuə.

²² Eyε lə bofokanŋ əsuə se Yosef dínyə nkə wə dikpəfe éboyoo, údi etiki utsyi lə Israel bebi eto budu lə Egipte eto kaso əsuə nya ótəyi mə kase ele bə beyifo ku wə ɔkŋ.

²³ Eyε lə bofokanŋ əsuə eso Moses eto antomə dífi wə bákula lə afa ətsyə əsuə se bále wə. Bənyə bə úyifo dikpefi nə laanŋ bobə nya bántə sikpi ku oka əmə eto kofi bota kebu əsuə.

²⁴ Eyε lə bofokanŋ əsuə nya Moses leni nkə bánkpadí wə bə Oka Farao eto ubisiobi eto ubi lefe nə úkabé. ²⁵ Iyifo wə lelabi nkə lə unyə kanyi ku Onanto eto betidi enso bə unyə kamini lə lebuayifoyifo əsuə itə lefe kliminti. ²⁶ Úbu nnya óbe nkə lə bakpé wə kofani lə Kristo eto disii, eléke famfamfamfa eso kedi ka wuunyə lə utəkəko Egipte eto kaso eto asa nnya wuunyə kama. Itsyise úfi wə ənəmi utəkə lə kutəkə ko Onanto luutə wə lə setó əsuə. ²⁷ Nya eyε lə bofokanŋ bomə esoo, údu lə Egipte eto kaso nya wəánte oka əmə eto kafo ka lɔnyí wə sikpi. Nya fenkə únyə Onanto wə bo ənəmi ləmbobo bunyə, óni nkə wembusinkli kama. ²⁸ Bofokanŋ əsuə eyε nya útsyə Ukpe Ása Bo Jyila eto lekpa kaso lefe nə béfi kɔtŋ bese lə biku ku keyi əsuə. Nya eyε lə nnya əsuə, Onanto eto ɔtɔnkpe wə díbə ólo Egiptefŋ eto ubisaibi ninə saa lə Egipte eto kaso nya yanle bə utidi Israelfŋ eto bebi saa.

²⁹ Eyε lə bofokano əsuə nnya dītə Israel bebi léfo Lekpo Sia boyila fe kasonti fufu əsuə bákayε nε. Fεε lefe nə Egiptefo lekplatsya bə baayila ni, ntu bomə étsyiko mə búdunko. ³⁰ Eyε lə bofokano əsuə, se Israel bebi leyε bátsyilama kafati ka báto batsyilama Yeriko eto umə eyi akuansee, nnya dītə kafati kamə léba kákpo kaso nε.

³¹ Eyε lə bofokano əsuə nyaso bánlo Rahab wə ni otsyetə mfó fe kase báló mba dimamfo Onanto bano. Itsyise ófo Israelfo eto betidi ba bátsyese ba dísu mfó bésu bátsyilama béyu kaso kamə bábe kukono.

³² Be tsya ele bə nsi nteyi mi? Lefe kpə əmbə mε bə lə ndi etiki ntsyiko lə Gideon, Barak, Samson, Yefta, David ku Samuel ku Onanto eto bənyeləkətidi əsuə. ³³ Eyε lə bofokano əsuə, bákpo nso kpə bətəkə mə kato. Béyifo lesa nə dińyə itə nya bənyə kenye ka Onanto dítsyə útə mə. Nya bətsyuə díti batsyata eto nnye. ³⁴ Nya bətsyuə leninsə etefenku kplε nnya díkatonsə asa. Nya bətsyuə ləbo báfe lə lesiabi eto kenye lə lema əsuə. Ite bə betidi bamfó kenke manke əsuəale saa tsya, Onanto ətə nkə bənyə əsuəale! Bənyə əsuəale fe bamamanyə ba lεke ale kekleke, nya bətəkə bafə eto bamamanyə bamə kenke kato. ³⁵ Nya eyε lə bofokano əsuə, besio léfo mə batokpenyə ba díkpə disi bəbə nkpə. Nya bətsyuə, lenni bə betidi mənłəkə mə betsyiko lə kanyinyənyə ka əsuə bákε, bomu bála bə lə bəkpə, bə lə bənyə botaka kəbə nkpə bo nso kono.

³⁶ Bákpe bətsyuə kofio nya báble mə ku keyibi.

Nya bákpe bətsyuə lə amena nya beti mə bákpe lə Aba eto diyo. ³⁷ Bákpe bətsyuə aba nya bákpe bətsyuə tsya eku ənuə ku nlande, nya báto bətsyuə ku asiabi bálo. Nya béfi basamu ku bate eto ekue bémini mə əsuə nya báye bákafe itsyise kulesa məntsyə mə. Nya betidi lékpe mə bulə, nya bənyə kanyi tinti. ³⁸ Lə mə nkpə sɛɛ bo bəsiə esoo, kawunsiə kamfo eto betidi mámfo mə. Nyaso bákaye bákafe lə mfiminti ku atiniku ku kanyinyənyə fe mba bála lə mə nsɔ, nya bákə lə aba kalɔ ku lə əbiə lə kasənti.

³⁹ Ite bə batesə betidi bamfo kenke ba bákpe bofokanɔ tsyaa, bámfo kənye ka Onanto létəyi útsyə mə. ⁴⁰ Itsyise Onanto ənye asa bamba nya lələkə enso útsyə bo. Nya lə bo manke mə lə ntii, bembuyifo mə báflo balo.

12

Onanto Ni Bo Anto.

¹ Lə nyaso se bonkpe bamanyə kpə bamfo ba letsyilama bo nya banle bo otsyekle bokpe esoo, bitə lə buləkə asa nnya leeti bo kusu ku lehua nə laakpa bo kekleke kalɛ lefe kpə buwui. Nya lə butsyetsyi etsyi nnya nte bo setɔ ku unyə, kama bebe manke. ² Bitə lə bo ənəmi lə itəkə lə Yesu hā əsuə. Wə hā ni nwə əsuə bo bofokanɔ nkpəsə itsyi lə kasɔ ketsyikokɔ isu ese lə kalosəkɔ. Se óte disuəyuə nə nte setɔ wuunyə esoo, ókpe utu únyə kanyi lə uyikabie əsuə. Nya wémfi kofani ko wuudi lə uyikabie əsuə kulesa. Nya mómɔɔ, úsu usi lə Onanto eto lekankpomɛ oflo lə wə kodiani.

³ Bibu Yesu bebe, lə kanyi ka únyə lə babuayifo ba dínyə wə lə əsuə eto ani, bə lə ani lə eyə mi bolo lə bitə disi. ⁴ Ite bə bələ lema bəkpɔ ku lebuə tsyaa, yányo kaka ele bə bəkpɔ lə bakpɔ mi kɔtɔ lə kasɔ tɔ. ⁵ Nye biota əsuə Onanto eto ləkɔmansəmansə eto etiki nnya ótəyi úfi ókpe mi nkəale fe wə bebi? Ɔtəyi nkə,

“Mɔ Ubi, tsyue ato nya memfi Bonamute eto bunətətə fe asa bimba.

Nya məntə lə ilə fə lə unyəkɪ okpe fə.

⁶ Itsyise nwə Bonamute laalaa,

wə wəənə lə kusu sɛɛ əsuə nɛ.

Nya nwə tsya woafɔ fe ubii,

wə wəənə koto nɛ.”

⁷ Bifi mi kanyi saa ka biənyə fe Onanto nɛ mi bunə butə fe wə bebi. Ubi utsyuə kpe bə anto əənə wə? ⁸ Lə bəənnə mi fe kase bunyi boə bəənə ubi saa, nyalə bienyifo wə bebi tinti. Etə bə biyifo fe bebi ba anto dímamfɔ seka. ⁹ Lə bo betidinini eto antomə seka lə kasɔ mfoo, bəənə bo nya boebu mə tsya lə nyamfɔ eso. Ntsyə eso yanle bə bobokosə əsuə kasɔ enso butə Onanto wə ni bo Anto lə ləwɔnɔ əsuə bə busiə nkpə! ¹⁰ Bo kasɔ mfo eto antomə əənə bo itə lefe kliminti ditsyue fe kase bənyə bə iinýə itə bo. Fɛɛ Onanto wə əənə bo fe kase ɛlɛkɛ itə bo bə lə bo tsya lə bunyə kedikɔ lə wə sɛkɛnkɛ əsuə. ¹¹ Bunətətə utidii, aanke kutsyue kamini, bomu yeefi wə. Fɛɛ lə nnya kamaa, mba bətə bunə nkoo, əətə beeyifo asa lə kusu əsuə, nnya ləətə bəəsiə nkpə lə diyue əsuə.

¹² Lə nyamfɔ esoo, bɛkpe mi ani ku akpa nnya leetinkə ale, lə bitə əsuəale fɔfɔ lə idufə lə nnya əsuə. ¹³ Biləkə esu nnya lekpa lə bɛyɛ lə nnya

əsua bæ læ mba eto akpa læmbə ale læ bafo boye læ nnya əsua bæ bentusə. Bomu læ bətəkəko mi kama læ bənyə əsuəale balosə.

¹⁴ Bekplatsya bæ læ diyua læ lekε læ mi ku betidi kenke eto nti, nya læ bekplatsya læ bisia nkpə kenke. Itsyise kuutsyuə saa embunyə Bonamute læ wenyifo kenke. ¹⁵ Bebe kukɔɔ biə læ Onanto eto lefonə eto kusu manya mi. Bebe kukɔɔ biə biəntə kuutsyuə saa tə læ binyə ɔblo kekleke bæ inə bulə eboko betidi kpə əsua læ bafiani babuayifo. ¹⁶ Bebe biə mi kuutsyuə saa mamfiani ɔsɔɔdi nye fe nwə læmbə bofokanɔ fe Esau seka, wə dɪfi wə sininədidi ófloma ku didisa eto ɔkpe ɔni hā. ¹⁷ Kama kama fe kase binyii, óbɛbɛ ku binəntu nkə eni læ ofo wə anto eto atsyɔkpoko. Fɛɛ wátɔɔ útə wə, itsyise wámfo kusu saa bunyə læ ofloma lesa nə úkeyifo útsyə.

¹⁸ Itsyise inni Sinai eto kətini ko utidi loofɔ bunyə ketidi ɔflo bíbə, fe kase Israel bebi díyifo. Mfó ketuntu suu ka diti kp̄ii, nya ufiebi nle bɔsɔ kekleke nkpe, fɛɛ kɔtɔni komə nle bunyə diadiadia. ¹⁹ Kakpatsyaku ka nle bufə ku ɔkɔɛ wə nle bɔbɔ ketsyi mfó læ bole, nya mba nle nya bɔɔ əle lekpa kpa bənkə bensila bæ baanɔ kolela nko bio. ²⁰ Itsyise bembofo buńnyə kanɔ kɔfi ko nle mə bɔtɛyi nkə, “Lə ubuki uni kulaa tsya wə eto kokpa ditidi kətini komə, bakpɔ wə aba balo.” ²¹ Lə sitintii, nya bələkə háte mfó kpe sikpi tinti bæ Moses kosate átɛyi nkə, “Sikpi ko dímuə mə, nya mintinkə!”

²² Bomu mi alɛɛ, Sion eto kətini komə ɔflo bíbə. Bíbə Onanto wə nsi nkpə eto umə wə ni Yerusalem kato ku wə batɔnkpe ba bembofo

bokla ba lekpe disi mfo ɔflo. ²³ Bībæ disuəyua eto disikakpekɔ ku Onanto eto bebininə ba eto aye bāwɔni bakpe lə Onanto eto kukue kato ɔflo. Bībæ bińyə lə Onanto, kawunsiə kenke eto okpronkpo ku baseε ba bəyifo ləflo eto awɔnɔ eto nti. ²⁴ Nya mfó bībæ Yesu wə laafo kətə lə kakle fofó kamə ɔflo kaka kɔtɔ ko ókpo lə bo disi luunə asa sεε kpə eboko nnya nso Abel eto kɔtɔ.

²⁵ Bebe kukɔnɔ biə bianni nwə nɛ mi etiki budinko eto ɔkɔε. Itsyise lə mba dimentisyue koto nwə léboko mə Ditiki Sεε nəmə lə kasɔ mfo māmfo butsyetsyi kedu lə mə kotonənə əsuəə, ntsyə yofo bubə bə bo mba bātɛyi Ditiki Sεε nəmə itsyi kato ebofo butsyetsyi lə ni kenyε? ²⁶ Lefe nəmfó wə ɔkɔε étinkəsə kawunsiə kenke. Fεε mɔmɔ útsyə bo kenyε nkə, “Bioo, məəbə kawunsiə kamə butinkəsə. Nya inni nko mate tsya, bomu muutinkəsə kato tsya nwunsə.” ²⁷ Ditiki nəmfó bə, “Bioo” lə bote bə, Onanto ebuləkə asa nnya dítinkə nnya ni asa nnya úyifo uwui lə nnya kəńyənko. Nya asa nnya díməntinkəə, ebubu itsyə.

²⁸ Nyaso bitə lə bɔsɔ ani bə sekakediko ka lembofo butinkə áka bo kɔni. Lə nnya esoo, bitə lə bufi dibu ku sikpitete busumu wə lə kusu ko lookε wə ɔkɔε əsuə. ²⁹ Itsyise bo Onanto əmə eyifo ute wə laaton sə lesa saa.

13

Lε Ɔsuə Lə Kase Yuudufə Onanto Ɔnə.

- ¹ Bitə lə sɛyimila lə siyi mi əsuə fe bayimi.
- ² Bianni bafó bofo, itsyise eyε lə nyamfo əsuəə, bətsyua áfo Onanto eto batɔnkpe, fεε bántε nko.

³ Bekloma mba bákpe læ Aba eto diyo tsya fe mba mi ku mæ nlabé mfó. Nko kee, bekloma mba banlé ohiã bote fe mi ku mæ banlé ohiã bote.

⁴ Usæ ku usiæ siæ nkræ læ lelabi æsuæ, nya ele bæ utsyuæ saa fi dibu utæ kæsiæ. Nya kuutsyuæ mamfe wæ utsyuæ kama, itsyise Onanto ebokponko mba leedi asonɔ, kakpo kusæ nye kusia lekpo. ⁵ Mansesæ ənæmi tsya læ atabi æsuæ. Bomu bitæ læ lesa næ nte mi læ didufæ mi ənæ. Itsyise Onanto átæyi nkæ,

“Mæmboyani mi ntsyæ kulefe,
nya membulækæ ato læ mi æsuæ tsya kulefe.”

⁶ Nyaso bitæ læ bôteyi taa bo ketu kæmiæ boæ,

“Bonamute ni mɔ ɔwunsækotsyuæ, nyaso mæmbote sikpi.

Be utiditsyuæ lofo mæ buyifo?”

⁷ Bekloma mi batonkotonko ba dísiæ ba letæyi mi Onanto eto Ditiki Sɛɛ næmæ. Bekloma kase bæsiæ nkræ ku kase báfo Onanto bánɔ læ býe le mæ kayekɔ læ bofokanɔ æsuæ. ⁸ Yesu Kristo aamfloma kulefe. Fe kase útsyæ læ lefe næ léfe mæ, nko ke unte mɔmɔ ku lefe næ luubæ kenke tsya nɛ.

⁹ Biæntæ læ asatete akpa akpa nnya læmbæ disi ku akpa læ ɛwɛ mi ekpe læ benya kusu. Onanto eto lefonæ hã laakpe bo nkæale, nya inni afi nnya læye læ lesadidi æsuæ. Mba laaye læ afi nyamfo æsuæ æannya bɔwunsæko nye kutækæ ketsyiko læ nnya æsuæ.

¹⁰ Boo, bokpe kedikætækɔ eto leba næ æsuæ asa nnya boedi, nya mba lætæ kedi læ Yudafɔ eto kedikætækɔ, yanle bæ bedi betsyiko læ bo ole.

11 Usumunyə Ninə Kenke əmə eefi ubuki eto kɔtɔ kedufənko kaka ni Kakənkekɔ Kenke. Mfó weesu kətə kedi kato bufikatsye lə betidi ba kenke eto abua eto disi. Fɛɛ baatonsə bebuki eto sinə siamə lə kabanto. 12 Mmə kenke seka ini bə Yesu tsya ənyə kanyi lə umə əmə eto kabanto bə lə uflə betidi eto abua uwui eyɛ lə wə kɔtɔ əsuə. 13 Nyaso bitə lə busu botsyako wə lə kabanto mfó lə bakpe bo kofani faa, fe kase bákpe wuntsya kofani. 14 Itsyise umə saa əmbə bo lə kasɔ mfo wə luutsyə lefe saa manlo manlo. Bomu bunyə bɔlɛ kusu bobɛ itə umə wə luubə.

15 Nyaso bitə lə boyɛ lə Kristo əsuə bufi atesə fe keditətə bukətə Onanto lefe saa. Nya ni nnya laabɔ ketsyi lə mba léfo wə diye bánɔ eto kɛnyɛ. 16 Bianta asa sɛɛ buyifo kətə bətsyuə ku bətsyuə bɔwunsəko əsuə. Itsyise ite fe keditətə ka eto okle laakpe Onanto disuəyuə.

17 Bitsyue mi batɔnkɔtɔnko koto lə bebokosə əsuə kasɔ bitə mə itsyise mə nɛ mi kakla bobɛ lefe saa nɛ, itsyise ele bə bələkə nya kɛnyɛ lə Onanto oflɔ. Lə bitsyue mə kotoo, booyifo mə keyifo ku disuəyuə, fɛɛ lenni nkoo, kuulə mə ku buyifo nya ləmbəwunsəko mi.

18 Bikato ola lə bo disi. Buyi boə bo akɔəsi akpa wuee, itsyise bola boə boeyifo kaseɛ lefe saa. 19 Nya nɛ mi lekpa kəkleke miə lə beto ola biə lə Onanto lə utə kusu lə nsinkli mbə mi oflɔ mlə.

Olatoto Fɛfɛ.

20 Nɛ bɔtɔ miə Onanto wə ləətə diyuə, wə létakasə Bonamute Yesu wə ni basamu eto ɔyɛnkonyə kplɛ utsyiko ɔkɔmə eyɛ lə kɛnyɛkɛkle

manlo eto kɔtɔ komə əsuə, ²¹ lə ufi əsə sɛɛ kenke utə mi kafo faa bə lə befo wə lelabi buyifo. Lə eyɛ lə Yesu Kristo əsuə lə Onanto lə uyifo lesa nə nkpe wə ɔkɔɛ lə bo nti. Wə ale lə idi diyənde kplɛ idu manlo isu manlo əsuə! Ibə itə.

Etiki Fɛfɛ.

²² Mɔ bayimi, nɛ mi lɛkpakpa tinti miə lə bitsyue ato lə bɛnɔ kɔɛ ko minɛ mi bɔɛ itsyi lə Ditiki Sɛɛ nəmfo əsuə. Itsyise kukue kliminti ete miwɔni minɛ mi bɔtsyese.

²³ Nla miə mæətə mi bote miə bələkə bo ɔyimi Timoteo lə Aba eto diyo. Lə wuubə mɔ ɔflɔ mləə, bonko wə ebubə bunyə mi busiəsə.

²⁴ Bisiəsə mi batɔnkɔtɔnko kenke ku Onanto eto betidi bamfó kenke bitə bo. Bo bayimi ba nkpe lə Italia kenke tsya əsiəsə mi.

²⁵ Lə Onanto eto lefonə lə disiəko mimbɛ kenke.

**Onanto eto kakle ɔɔɔ; Sɛkpɛle
Sɛkpɛle: Onanto eto kakle ɔɔɔ; Sɛkpɛle New
Testament**

copyright © 2008 Wycliffe Bible Translators, Inc.

Language: (Sɛkpɛle)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

5fc03d2a-3cf8-5607-a6e0-9e1e197140bd